



儒門事親

卷十三十四十五

ヤ 9
1116
5





儒門事親卷之十三

劉河間先生三消論

因在前此書未傳於世恐為沉沒故刊而行之

易言天地自太虛至黃泉有六位內經言人之身自頭至足亦有六位今余又言人胸腹之間自肺至腎又有六位人與天地造化五行同一爐備知彼則知此矣故立天之氣曰金與火立地之氣曰土與水立人之氣曰風與火故金與火合則熱而清水土合則濕而寒風與火合則溫而炎人胸腹之間亦猶是也肺最在上為金中濕清心為君火土為木主溫膽又次之為相火主

松中堂





土主涼腎又次之黃泉為寒水主寒
 腎象地肝膽象人不知此者不可與言人
 土為萬物之本水為萬物之元水土合德以陰居陰
 同處乎下以立地為氣萬物根於地是故水土濕寒
 若燥熱陽實則地之氣不立萬物之根索澤而枝葉
 枯矣五常政大論曰根於中者命曰神機是為動物
 根本在於中也根本者脾胃腎也食入胃則脾為布
 化氣味榮養五藏百骸故酸入肝而養筋膜苦入心
 而養血脉甘入脾而養肌肉辛入肺而養皮毛鹹入
 腎而養骨髓五氣亦然故清養肺熱養心溫養肝濕

表問胃乃
 作乃得
 脾日作氣

養脾寒養腎也凡此五味五氣太過則病不及亦病
 惟平則常安矣故六節藏象論曰五味入口藏於腸
 胃味有所藏以養五氣氣和而生津液相成神乃自
 生是其理也又太陰陽明論云脾病而四肢不用者
 何也岐伯曰四肢皆稟氣於胃而不得至經必因於
 脾胃乃稟也今脾病不能為胃行其津液不得稟水
 穀氣脾日以衰味道不利筋骨肌肉皆無氣以生故
 不用焉帝曰脾不主時何也岐伯曰脾者土也治中
 央常以四時長四臟各十八日寄治也脾之實火而
 也脾藏者常着胃土之精也土者生萬物而得氣於外

故上下至頭足不得獨主於時也帝曰脾與胃以懸
 相連爾而能行其津液何也岐伯曰脾之陰者三陰
 也其脉貫胃屬脾絡盛故太陰為之行氣於三陰足
 陽明者表也五臟六腑之海也亦為之行氣於三陽
 臟腑各因其經而受氣以益陽明故為胃行其津液
 四肢不得稟水穀氣日以衰陰道不利筋骨肌肉皆
 無氣以生故不用焉不用者謂不能為之運用也由
 是觀之則五臟六腑四肢百骸皆稟受於脾胃行其
 津液相與濡潤滋養矣後之醫者欲以燥熱之劑以
 養脾胃滋土之氣不亦外乎况消渴之病者本濕寒

素問作受
 氣於陽明
 象字上有
 益字

之陰氣極衰燥熱之陽氣太甚更服燥熱之藥則脾
 胃之氣竭矣叔世不分五運六氣之虛實而一槩言
 熱為實而虛為寒彼但知心火陽熱一氣之虛實而
 非臟腑六氣之虛實也蓋肺本清虛則溫心本熱虛
 則寒肝本溫虛則清脾本濕虛則燥腎本寒虛則熱
 假若胃冷為虛者乃胃中陰水寒氣實甚而陽火熱
 氣衰虛也非胃土濕氣之本衰故當溫補胃中陽火
 之衰退其陰水寒氣之甚又如胃熱為實者乃胃中
 陽火實而陰水虛也故當以寒藥瀉胃中之實火而
 養其虛水然此皆補瀉胃中虛熱水火所乘之邪非

胃為濕者之本其餘例同法夫補瀉脾胃濕土之水
氣者潤其濕者是補濕燥其濕者是瀉濕土本濕故
也凡臟腑諸氣不必腎水獨當寒心火獨當熱要知
每臟每腑諸氣和同宣而平之可也故余嘗謂五常
之道陰中有陽陽中有陰孤陰不長獨陽不成但有
一物皆備五行通相濟養是謂和平交互克伐是謂
衰與變亂失常患害由行故水少火多為陽實陰虛
而病熱也水多火少為陰實陽虛而病寒也其為治
者瀉實補虛以平為期而已矣故治消渴者補腎水
陰寒之虛而瀉心火陽熱之實除腸胃燥熱之甚濟

身津液之衰使道路散而不結津液生而不枯氣血
利而不溢則病日已矣况消渴者本因飲食服餌失
宜腸胃乾涸而氣液不得宣平或耗亂精神過違其
度或因大病陰氣損而血液衰虛陽氣悍而燥熱鬱
甚之所成也故濟衆云三消渴者皆由久嗜鹹物恣
食炙煇飲酒過度亦有年少服金石丸散積久石熱
結于胸中下焦虛熱血氣不能制石執燥甚於胃故
渴而引飲若飲水多而小便多者名曰消渴若飲食
多而不甚饑小便數而漸瘦者名曰消中若渴而飲
水不絕腿消瘦而小便有脂液者名曰腎消如此三

消者其燥熱一也但有微甚耳余聞世之方多一方而通治二三消渴者以其善消水穀而喜渴也然叔世論消渴者多不知本其言消渴者上實熱而下虛冷上熱故煩渴多飲下寒故小便多出本因下部腎水虛而不能制其上焦心火故上實熱而下虛冷又曰水數一為物之本五行之先故腎水者人之本命之元不可使之衰弱根本不堅則枝葉不茂元氣不固則形體不榮消渴病者下部腎水極冷若更服寒藥則元氣轉虛而下部腎水轉衰則上焦心火亢甚而難治也但以暖藥補養元氣若下部腎水得實而勝

退上焦火則自然渴止小使如常而病愈也若此之言正與仲景相反所以巧言似是於理實違者也非徒今日之誤誤已又哉又如蔣氏藥證病原中論消渴消中消腎病曰三焦五臟俱虛熱惟有膀胱冷似水又曰腰腎虛冷日增重又曰膀胱腎臟冷如泉始言三焦五臟俱虛熱惟有膀胱冷似水復言五臟亦冷且腎臟水冷言為虛其餘熱者又皆言其虛夫陰陽與衰安有此理且其言自不相副其失猶小至於寒熱差殊用藥相反過莫大焉或又謂腎與膀胱屬水虛則不能制火虛既不能制火故小便多者愈失

之遠矣彼謂水氣實者必能制火虛則不能制火故
陽實陰虛而熱燥其液小便淋而常少陰實陽虛不
能制水小便澀而常多豈知消渴小便多者非謂此
也何哉蓋燥熱太甚而三焦腸胃之腠理燥鬱結滯
緻密壅塞而水液不能滲泄浸潤於外榮養百骸故
腸胃之外燥熱太甚雖復多飲于中終不能浸潤於
外故渴不止小便多出者如其多飲不能滲泄於腸
胃之外故數洩也故金蓋言原病式曰皮膚之汗孔
者謂泄汗之孔竅也一名氣門者謂泄氣之門戶也
一名腠理者謂氣液之隧道紋理也一名鬼門者謂

樂真之門也一名玄府者謂玄微之府也然玄府者
無物不有人之臟腑皮毛肌肉筋膜骨髓爪牙至於
萬物悉皆有之乃出入升降道路門戶也故經曰出
入廢則神機化滅升降息則氣立孤危故非出入則
無以生長壯老非升降則無以生長收藏是知出
入升降無器不有故知人之眼耳鼻舌身意識能
爲用者皆由升降出入之通利也有所閉塞則不能
用也若目無所見耳無所聞鼻不聞香舌不知味筋
痿骨痺爪退齒腐毛髮墮落皮膚不仁腸胃不能滲
泄者悉由熱氣怫鬱玄府閉塞而致津液血脈榮衛

肝脾
常作

清氣不能升降出入故也各隨鬱結微甚而有病之
大小焉病在表則佛鬱腠理閉密陽氣不能散越故
燥而無汗而氣液不能出矣叔世不知其然故見消
渴數溲妄言為下部寒尔豈知腸胃燥熱佛鬱使之
然也予之所以舉此世為消渴之證乃腸胃之外燥
熱痞閉其滲泄之道路水雖入腸胃之內不能滲泄
於外故小便數出而復渴此數句足以盡其理也試
取內經凡言渴者盡明之矣有言心肺氣厥而渴者
有言肺痺而渴者有言脾熱而渴者有言腎熱而渴
者有言胃與大腸熱結而渴者有言脾痺而渴者有

肝脾
常作

言小腸瘴熱而渴者有因病瘴而渴者有因肥甘石
藥而渴者有因醉飽入房而渴者有因遠行勞倦遇
大熱而渴者有因傷寒胃乾而渴者有因腎熱而渴
者有因病風而渴者雖五臟之部分不同而病之所
遇各異其歸燥熱一也
所謂心肺氣厥而渴者厥論曰心移熱於肺傳為膈
消注曰心熱入肺久而傳化內為膈熱消渴多飲也
所謂肝脾而渴者痺論曰肝痺者夜卧則驚多飲數
小便如脾熱而渴者痿論曰脾氣熱則胃乾而渴肌
肉不仁發為肉痿

所謂腎熱而渴者刺熱論曰腎熱病者先腰痛脘酸
苦渴數飲身熱熱論曰少陰脉貫腎絡於肺繫舌本
故口燥舌乾而渴叔世惟言腎虛不能制心火為上
實熱而下虛冷以熱藥溫補腎水欲令勝退心火者
未明陰陽虛實之道也夫腎水屬陰而本寒虛則為
熱心火屬陽而本熱虛則為寒若腎水陰虛則心火
陽實是謂陽實陰虛而上下俱熱明矣故氣厥論曰
腎氣衰陽氣獨勝宜明五氣論曰腎惡燥由燥腎枯
水涸藏氣發時論曰腎苦燥急食辛以潤之夫寒物
屬陰能養水而瀉心熱物屬陽能養火而耗水今腎

深會法

水既不勝心火則上下俱熱奈何以熱藥養腎水欲
令勝心火豈不繆哉又如胃與大腸熱結而渴者陰
陽別論二陽結為之消注曰陽結胃及大腸俱熱結
也腸胃藏熱善消水穀又氣厥論曰大腸移熱於胃
善食而瘦脉要精微論曰癰成爲消中善食而瘦如
腸痺而渴者數飲而不得中氣喘而爭時發殮泄夫
數飲而不得中其大便必不停留然則消渴數飲而
小便多者止是二焦燥熱怫鬱而氣衰也明矣豈可
以燥熱毒藥助其強陽以伐衰陰乎此真實實虛虛
之罪也夫消渴者多變龍首瘡癬痤疔之類皆腸胃

諸門事規

卷之六

燥熱怫鬱水液不能浸潤於周身故也或熱甚而膀胱怫鬱不能滲泄水液妄行而面上腫也如小腸瘴熱而渴者與瘴論曰熱氣留于小腸腸中痛瘴熱焦渴則便堅不得出矣注曰熱滲津液而小便堅矣如言病瘴而渴者瘴論曰陽實則外熱陰虛則內熱內外皆熱則喘而渴故欲飲冷也然陽實陰虛而為病熱法當用寒藥養陰瀉陽是謂瀉實補衰之道也如因肥甘石藥而渴者奇病論曰有口甘者病名為何岐伯曰此五氣之所溢也病名脾瘴瘴為熱也脾熱則四臟不稟故五氣上溢也先因脾熱故曰脾瘴又

經曰五味入口藏於胃脾為之行其精氣津液在脾故令人口甘也此肥美之所發也此人必數食甘美而多肥也肥者令人內熱甘者令人中滿故其氣上溢轉而為消渴通評虛實論曰消瘴什擊偏枯痿厥氣滿發逆肥貴之人膏粱之疾也或言人惟胃氣為本脾胃合為表裏脾胃中州當受溫補以調飲食今消渴者脾胃極虛益宜溫補若服寒藥耗損脾胃本氣虛之而難治也此言乃不明陰陽寒熱虛實補瀉之道故妄言而無畏也豈知腹中論云帝曰夫子數言熱中消中不可服芳草石藥石藥發癩芳首發狂

下飲權
食

注言多飲數溲謂之熱中多飲數溲謂之消中多喜
曰癩多怒曰狂芳美味也石謂莢乳乃發熱之藥也
經又曰熱中消中皆富貴人也今禁膏梁是不合其
心禁芳草石藥是病不愈願聞其說岐伯曰芳草之
味美石藥之味悍二者之氣急疾堅勁故非緩心和
人不可服此二者帝曰何以然岐伯曰夫熱氣慄悍
藥氣亦然所謂飲一溲二者當肺氣從水而出也其
水穀之海竭矣凡見消渴便用熱藥誤人多矣故內
經應言渴者皆如是豈不昭晰歟然而猶有惑者諸
氣過極反勝也者是以人多誤也如陽極反似陰者

是也若不明標本認似為是始終乖矣故凡見下部
覺寒兩膝如冰此皆心火不降狀類寒水宜加寒藥
下之三五次則火降水升寒化自退然而舉世皆同
執迷至如易素二書棄如朽壤良可悲夫故處其方
必明病之標本達藥之所能通氣之所宜而無加害
者可以制其方也已所謂標本者先病而為本後病
而為標此為病之本末也標本相傳先當救其急也
又云六氣為本三陰三陽為標蓋為病臟病最急也
又云六氣為胃之本假若胃熱者胃為標熱為本也
處其方者當除胃中之熱是治其本也故六氣乃以

甚者為邪衰者為正法當馮甚補衰以平為期養正
 除邪乃天之道也為政之理補賤之義也大凡治病
 明知標本按法治之何必謀於衆陰陽別論曰謹熟
 陰陽無與衆謀標本病傳論知標知本萬舉萬當不
 知標本是謂妄行至真要大論曰知標知本用之不
 殆明知逆順正行無問不知是者不足以言診適足
 以亂經故大要曰粗工嗜噲以為可知言熱未已寒
 病復起同氣異形迷診亂經此之謂也夫標本之道
 要而博小而大可以言一而知百言標與本易而弗
 損本與標氣可令調明知勝復為萬民式天之道

畢矣天元紀大論曰至數極而道不惑可謂明矣所
 謂藥之巧能者溫涼不同寒熱相反燥濕本異云云
 前已言之矣斯言氣也至於味之巧能如酸能收甘
 能緩辛能散苦能堅鹹能軟酸屬木也燥金主於散
 落而木反之土濕主於緩而水勝之故能然也若能
 燥濕而堅火者苦也易曰燥萬物者莫燥乎火凡物
 燥則堅也甘能緩苦急而散結甘者土也燥能急結
 故緩則急也辛能散抑散結潤燥辛者金也金主
 散落金生水故也况抑結散則氣液宣行而津液生
 也藏氣發時論曰腎苦燥急食辛以潤之開腠理致

津液通氣也鹹能軟堅鹹者水也水潤而柔故勝火之堅矣此五臟之味也其為五味之本也淡也淡胃土之味也胃土者地也地為萬物之本胃為一身之本天元紀太論曰在地為化化生五味故五味之本淡也以配胃土淡能滲泄利竅夫燥能急結而甘能緩之淡為剛土極能潤燥緩其急結令氣通行而致津液滲泄也故消渴之人其藥與食皆宜淡劑至真要太論曰辛甘發散為陽酸苦涌泄為陰鹹味涌泄為陰淡味滲泄為陽六者或散或收或緩或急或燥或潤或堅或軟所以利而行之調其氣也本草云藥

有三品上品為君主養命小毒以應天中品為臣主養性常毒以應人下品為佐使主治病大毒以應地不在三品者氣毒之物也凡此君臣佐使者所以明藥之善惡也處方之道主治病者為君佐君者為臣應臣之用者為佐使適其病之所根有君臣佐使奇偶小大之制明其歲政君臣脉位而有逆順反正主療之方隨病所宜以施用其治法多端能備所用者良工也寒者熱之熱者寒之溫者清之清者溫之結者散之散者收之微者逆而制之甚者從而去之燥者潤之濕者燥之堅者軟之軟者堅之急者緩之容

吐者疑當
作吐之

素問所云
作盛衰

者除之留者却之勞者溫之逸者行之驚者平之衰者補之甚者瀉之吐者下之摩之益之薄之劫之開之發之灸之制之適足為用各安其氣必清必淨而病氣衰去臟腑和平歸其所宗此治之大體也陰陽應象論曰治不法天之紀不明地之理則災害至矣又六節藏象論曰不知年之所加氣之所衰不可以為功也今集諸經驗方附于篇末

神自散

治真陰素被損虛多服金石等藥或嗜炙

燔鹹物遂成消渴

桂府滑石

六兩

甘草 乙兩生用

右為細末每服三錢溫水調下或大渴欲飲冷者新汲水尤妙

猪肚丸

治消渴消中

猪肚 乙枚

黃連 五兩

栝萸 四兩

麥門冬

四兩

知母

四兩如無以茯苓代之

右四味為末納猪肚中線縫安置甌中蒸極爛熟就熟於木臼中搗可丸如硬少加蜜丸如桐子大每服三十九丸漸加至四五十丸渴則服之如無木臼以沙盆中用木杵研亦可以爛為妙矣

葛根丸

治消渴消腎

葛根 三兩 括萇 三兩 鉛丹 二兩 附子 兩

者炮去皮臍用

右四味搗羅為細末煉蜜為丸如梧桐子大每服十九日進三服治日飲頑水者春夏去附子

胡粉散 治大渴百方瘵不瘥者亦治消腎

鉛丹 胡粉 各半兩 括萇 乙兩 甘草 二兩
澤瀉 石膏 赤石脂 白石脂

各半兩

右八味為細末水服方寸七日二服壯者一七半一年病一日愈二年病二日愈渴甚者二服腹痛

者減之如丸服亦妙每服十九多則腹痛也

三黃丸 主治男子婦人五勞七傷消渴不生肌肉婦人帶下手足發寒熱者

春三月 黃芩 四兩 大黃 二兩 黃連 四兩
夏三月 黃芩 六兩 大黃 一兩 黃連 一兩
秋三月 黃芩 六兩 大黃 二兩 黃連 三兩
冬三月 黃芩 三兩 大黃 五兩 黃連 二兩

右三味隨時加減搗為細末煉蜜和丸如大豆大每服五丸日三服不去者加七丸服一月病愈嘗試有驗矣

治胃膈癰熱煩滿不欲食或癰成爲消中善食而瘦或燥鬱甚而消渴多飲而數小便或熱病或恣酒色誤服熱藥者致脾胃真陰血液損虛肝心相搏風熱燥甚三焦腸胃燥熱拂鬱而水液不能宣行則周身不得潤濕故瘦瘠黃黑而燥熱消渴雖多飲而水液終不能浸潤於腸胃之外渴不止而便注爲小便多也叔世俗流不明乎此矣爲下焦虛冷誤死多矣又如周身風熱燥鬱或爲目瘡癰瘰癧瘡瘍上爲喘嗽下爲痿痺或停積而濕熱內甚

人參白朮散

不能傳化者變水腫腹脹也凡多飲數溲爲渴多食數溲爲消中肌肉消瘦小便有脂液者爲消腎此世之所傳三消病也雖無所不載以內經者之但燥熱之微甚者也此藥兼療一切陽實陰虛風熱燥鬱頭目昏眩風中偏枯酒過積毒一切腸胃澀滯壅塞瘡癬痿痺并傷寒雜病煩渴氣液不得宣通并宜服之

- 人參 白朮 當歸 芍藥
- 大黃 山梔子 澤瀉 已上各半兩
- 連翹 瓜蒌根 乾葛 茯苓

已上各一兩 官桂 木香 藿香

各一分 寒水石 二兩 甘草 二兩

石膏 四兩 滑石 盆硝 各半兩

右為粗末每服五錢水一盞生薑二片同煎至半盞絞汁入蜜少許溫服漸加十餘錢無時日二服或得臟腑疏利亦不妨取効更妙後却常服之或兼服消痞丸似覺腸胃結滯或濕熱內甚自利者去大黃芒硝

人參散

治身熱頭痛或積熱黃瘦或發熱惡寒畜熱寒戰

或膈痰嘔吐煩熱煩渴或燥濕瀉痢或目疾口瘡或咽喉腫痛或風昏眩或蒸熱虛汗肺痿勞嗽一切邪熱變化真陰損虛並宜服之

東人石膏 乙兩 寒水石 二兩 滑石 四兩

甘草 二兩 人參 半兩

其右為細末每服二錢溫水調下或冷水亦得三消之論劉河間之所作也因麻徵君寓汴梁暇日訪先生後裔或舉教醫學者即其人矣徵君親詣其家求先生平昔所著遺書乃出三消論氣宜病機三書未傳于世者又多不全止取三消論於卷首增寫

六位藏象二圖其餘未遑潤色卽付友人穆子昭子昭乃河間門人穆大黃之後也時覓官于京師方且告因徵君欲因是而惠之由是余從子昭授得一本後置兵火遂失其傳偶於鄉人霍司承君祥處復見其文然傳寫甚誤但依倣而錄之以符後之學者謹爲刊正云時甲辰年冬至日錦溪野老書續方栢亭東久亭寺僧悟大師傳經驗方

治飲水百盃尚猶未足小便如油或如杏色服此藥三五日小便大出毒歸于下十日求除根本此方令子和辯過云是重劑可用悟公師親驗過矣

水銀 四錢

錫 二錢用永銀

牡礪 乙兩

蜜陀僧 乙兩

知母 乙兩

紫花苦參 乙兩

貝母 乙兩

黃丹 半兩

瓜萋根 半斤

右爲細末男子用不生兒猪肚一箇內藥婦人用獾猪肚一箇麻線縫之新瓦一合繩繫一兩遭米一升更用瓜萋根末半斤却於新水煮熟取出放冷用砂盆內研爛就和爲丸如猪肚丸法用之

儒門事親卷之十四

戴人張子和著

新安吳勉學校

病人五臟已奪神明不守聲嘶者死

病人循衣縫譫語者不可治

病人陰陽俱絕掣衣撮空妄言者死

病人妄語錯亂及不能言者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

此處為書中正文，因紙面嚴重褪色及模糊，文字內容難以辨認。

病人面黃目青者至期而死重出在下文

病人面黃目赤不死赤如衄血者死

病人面黃目白者不死白如枯骨者死

病人面黃目黑者不死黑如焔死

病人面黑目青者不死

病人面目俱黃者不死

病人面青目白者死

病人面黑目白者不死

病人面赤目青者六日死

病人面黃目青者九日必死是謂亂經飲酒當風邪

千金損
作積

入胃經膽氣安泄目則為青雖天救亦不可生

病人面赤目白者十日死憂患思心氣內索面色反

好急權擲

病人面白目黑者死此謂榮華已去血脉空索

病人面黑目白八日死腎氣內傷病因留損

病人面青目白五日死

病人着牀心痛短氣脾氣內竭後百日復愈能起後

復因坐於地其上倚牀能治此者也

病人耳目鼻口有黑色起入于口者必死

病人目無精光若土色不受飲食者四日死

常月

卷之十四

目字下
當有無
字

病人目精光及牙齒黑色者不治

病人耳目及顴頰赤者死在五日中午

病人黑色出于額上髮際直鼻脊兩顴上者亦死在

五日中午矣

病人黑色出天中下至上顴上者死

病人及健人黑色若白色起入目及鼻口者死在三

日中午矣

病人及健人面忽如馬肝色望之如青近之如黑者

必死矣

病人面黑直視惡風者死

病人面黑唇青者死

病人面青唇黑者死

病人面黑兩脇下滿不能自轉反者死

病人目不回直視者一日死

病人頭目久痛卒視無所見者死

病人陰結陽絕目睛脫恍惚者死

病人陰陽竭絕目睚陷者死

病人眉系傾者七日死

病人口如魚口不能復閉而氣出多不及者死

病人卧遺尿不覺者死

病人尸臭者不可治
肝病皮白肺之日庚辛死
心病目黑腎之日壬癸死
脾病唇青肝之日甲乙死
肺病頰赤目腫心之日丙丁死
腎病面腫唇黃脾之日戊己死
青欲如蒼壁之澤不欲如藍
赤欲如烏髮朱不欲如赭
白欲如鵝羽不欲如枯骨
黑欲如黑漆不欲如炭

黃欲如羅縠雄黃不欲如土
目赤色者病在心白在肺黑在腎黃在脾青在肝黃
色不可名者病在胸中
診目病赤脉從上下者太陽病也從下上者陽明病
也從外入內者少陽病也
診寒熱燥癢目中有赤脉從上下至瞳子見一脉一
歲死見二脉半一歲半死見二脉二歲死見三脉半
一歲半死見三脉三歲死
診牙齒痛按其陽明之脉來太過者獨熱在右右熱
熱在左左熱熱在上上熱熱在下下熱

診血者脉多赤多熱多青多痛多黑多黃多痺多赤多黑多青皆見者寒熱身痛面色微齒垢黃爪甲上黃疸也安卧少黃赤脉小而濇者不嗜食

診百病死生訣第七

診傷寒熱盛脉浮大者生沉小者死傷寒已得汗脉沉小者生浮大者死

温病三四日已下不得汗脉大疾者生脉細小難得者死不治

温病穰穰大執其脉細小者死千金穰穰作時行温病下利腹中痛甚者死不治

温病汗不出出不至足者死厥逆汗出脉堅彊急者生虛緩者死

温病二三日身體熱腹滿頭痛食如故脉直而疾者

八日死四五日頭痛腹痛而吐脉來細強十二日死

八九日頭不疼身不痛目不變色不變而反利脉來

喑喑按之不彈手時時心下堅十七日死

熱病七八日脉不軟一作喘不散一作數者當有瘡

瘡後三日温汗不出者死

熱病七八日其脉微細小便不利加暴口燥脉代舌

焦乾黑者死

熱病未得汗脉盛躁疾得汗者生不得汗者難瘥
熱病已得汗脉靜安者生脉躁者難治

熱病已得汗大熱不去者亦死

熱病已得汗熱未去脉微躁者慎不得刺治

熱病發熱甚者其脉陰陽皆竭慎勿刺不汗出必

下利

診人被風不仁痿廢其脉虛者生堅急疾者死

診癩病虛則可治實則死

診癩病脉實堅者生脉沉細者死

又癩疾脉得大滑者久而自已其脉沉小急實不可

瘵小堅急者亦不可瘵也

診頭痛目痛久視無所見者死

診人心腹積聚其脉堅強急者生虛弱者死又實強

者生沉者死其脉大腹大脹四肢逆冷其人脉形長

者死腹脹滿便血脉大時絕極下血小疾者死

腸澼便血身熱則死寒則生

腸澼下白沫脉沉則生浮則死

腸澼下膿血脉懸絕則死滑大則生

腸澼之屬身熱脉不懸絕滑大者生懸瀉者死以臍

期之

懸瀉當
作眩滑

千金連
生者作者

腸澼下膿血脈沉小留連者生數疾且大有熱者死
腸澼筋攣其脈小細安靜者生浮大緊者死
洞泄食不化不得留下膿血脈微小連者緊急者死
洩注脈緩時小結者生浮大數者死
蠶蝕陰注其脈虛小者生緊急者死
欬嗽脈沉緊者死浮直者浮軟者生小沉伏匿者死
欬嗽羸瘦脈形堅大者死
欬脫形發熱脈小堅急者死肌瘦下脫形熱不去者
必死
欬而嘔腹脹且洩其脈弦急欲絕者死

則字疑
衍

吐血衄血脈滑小弱者生實大者死
汗若衄其脈小滑者生大躁者死
吐血脈緊強者死滑者生
吐血而欬上氣其脈數有熱不得助者死
上氣脈數者死謂損形故也
上氣喘息低昂其脈滑手足溫者生脈澁四肢寒者
必死
上氣面浮腫有息其脈大不可治加利必死
上氣注液其脈虛寧伏匿者生堅強者死
寒氣上攻脈實而順滑者生實而則逆澀者死大素
云寒

知疑如字

氣在上脈滿實何如曰實而滑則生實而逆則死矣
其形盡滿何如曰舉形盡滿者脈急大堅尺滿而不
應知是者順則生逆則死何謂順則生逆則死所謂
順者手足溫也逆者手足寒也
病痺脈實大病久可治脈弦小堅急病久不可治
消渴脈數大者生細小浮短者死
消渴脈沉小者生實堅大者死
水病脈洪大者可治微細不可治
水病脈閉其脈浮大軟者生沉細虛小者死
水病腹大如鼓脈實者生虛則死
卒中惡腹大四肢滿脈大而緩者生緊大而浮者死

緊細而微亦生

瘡腰脊強急瘦癯皆不可治

寒熱瘰癧其脈代絕者死

金瘡血出太多其脈虛細者生數實大者死

金瘡出血脈沉小者生浮大者死

斫瘡出血一二升脈來大二十日死

斫刺俱有病多少血出不自止者其脈來大者七日

死滑細者生

從頭頓仆內有血腹脹滿其脈堅強者生小弱者死
人為百藥所中傷脈澁而疾者生微細者死洪大而

遲者生千金運作速

人病甚而脉不調者難治脉洪大者易瘥

人內外俱虛身體冷而汗出微嘔而煩擾手足厥逆體不得安靜者死脉實滿手足寒頭熱春秋生冬夏必死矣

老人脉微陽羸陰強者生脉大而加息者死陰弱陽強脉至而代期月而死

尺脉濇而堅為血實氣虛也其發病腹痛逆滿氣上行此為婦人胞中絕傷有惡血又成結瘕得病以冬時黍當赤而死

尺脉細而微者血氣俱不足細而來有力者是穀氣不克病得節輒動棗葉生而死此病秋時得之左手寸口脉偏動乍大乍小不齊從寸至關關至尺三部之位其脉動各異不同其人病仲夏得之此脉桃花落而死

右手寸口脉偏沉伏乍小乍大朝浮大而暮沉伏浮大即太過上出魚際沉伏即下不止關中往來無常時復來者榆華枯而死

右手尺部脉三十動一止有須更還二十動止乍動乍踈連連相因因不與息數相應其人雖食穀猶不

愈發草生而死

右手尺部脉四十動而一止止而復來來逆如循張弓弦絀絀然如兩人共引一索至立春死

病機

諸風掉眩皆屬於肝甲乙木也木鬱達之諸寒收引皆屬於腎壬癸水也水鬱泄之諸氣臃鬱皆屬於肺庚辛金也金鬱折之諸濕腫滿皆屬於脾戊己土也土鬱奪之諸痛痺瘡瘍皆屬於心丙丁火也火鬱發之諸熱蒼黃皆屬於火

諸厥固泄皆屬下

下謂下焦肝腎氣也夫守司於下厥固泄皆屬下也厥謂氣逆也固謂禁固也滿氣逆上行反謂固不禁出入無度燥濕不恒皆由下焦主

諸病喘嘔皆屬於上上謂上焦心肺氣也炎熱薄燥

承熱分化肺之氣也熱鬱化上故病屬上焦

諸禁鼓慄如喪神守皆屬於火熱之內作

諸頸項強皆屬於濕太陽傷濕

諸逆衝上皆屬於火炎上之性用也

諸脹腹大皆屬於熱熱鬱於內肺脹於上

諸躁狂越皆屬於火熱盛於胃及四末也

諸暴強直皆屬於風陽內鬱而陰行於外

諸病有聲鼓之如鼓皆屬於熱

諸熱肘腫疼酸驚駭皆屬於火

諸轉及戾水液渾濁皆屬於熱及戾筋轉也水液小便也

諸病水液澄清徹冷皆屬寒上下所出及吐出溺出諸嘔吐酸暴注下迫皆屬於熱

故大要曰謹守病機各司其屬有者求之無者求之盛者責之虛者責之必先五勝疎其血氣令其調達而致和平此之謂也五勝謂五行更勝也

本陰當作大陰

標本運氣歌

少陽從本為相火本陰從本濕上坐厥陰從中火是家陽明從中濕是我太陽少陰標本從陰陽二氣相包暴風從火斷汗之宜燥與濕兼下之可萬病能將火濕分微開軒岐無縫鎖

辯十二經水火分治法

膽與三焦尋火治肝和包絡都無異脾肺常將濕處求胃與大腸同濕治惡寒表熱小膀胱濕惡熱表寒心腎熾十二經最端的四經屬火四經濕四經有熱有寒時攻裏解表細消息濕同寒火同熱寒熱到頭無

兩說六分分來半分寒寒熱中停真浪舌休治風休
治燥治得火時風燥了當解表時莫攻裏當攻裏時
莫解表表裏如或兩可攻後先內外分多少敢謝軒
岐萬世恩爭奈醯雞笑天小

治病

不讀本草焉知藥性專泥藥性决不識病假饒識病
未必得法識病得法工中之甲

六陳

藥有六味陳父為良狼菜半橘枳實麻黃

十八反



本草名言十八反半萸貝欬及攻烏藻戟遂芫俱戟
草諸參辛芍叛藜蘆

運氣歌

病如不是當年氣看與何年運氣同只向其年來治
法方知都在至真中

五不及

坎一丁三土五中一七癸九是災宮勝復都來十一
位誰知臟腑與宮同

斷病人生死

靈樞經云人有兩死而無兩生陽氣前絕陰氣後竭

其人死身色必青陰氣前絕陽氣後竭其人死身色必赤故陰竭則身青而冷陽竭則身赤而溫

四因

夫病生之類其有四焉一者始因氣動而內有所成二者始因氣動而外有所成三者不因氣動而病生於內四者不因氣動而病生於外
因氣動而內成者謂積聚癥瘕癰氣癭起結核癩癩之類是也
不因氣動而病生於內者謂流飲滯食饑飽勞損宿食霍亂悲恐喜怒想慕憂結之類

不因氣動而病生於外者謂瘡氣賊魅蟲蛇蠱毒毋蜚食鬼擊衝薄墜墮風寒暑濕所射刺割撻朴之類也
如此四類有獨治內而愈者有兼治內而愈者有獨治外而愈者有兼治外而愈者有先治內後治外而愈者有先治外後治內而愈者有須解毒而攻擊者有須無毒而調引者凡此之類方法所施或重或輕或緩或急或收或散或潤或燥或軟或堅方士之用見解不同各擅己心好丹非素故復問之

五苦六辛

五苦六辛從來無解蓋史家闕其疑也一日麻徵君

以此質疑于張先生先生亦無所應行十五里忽然有所悟欣然迴告于麻徵君以為五苦者五臟為裏屬陰宜用苦劑謂苦涌泄為陰六辛者六腑為表屬陽宜用辛劑謂辛甘發散為陽此其義也徵君大服其識鑒深遠鑿昔人不傳之妙故曰知其要者一言而終不知其要者流散無窮

儒門事親卷之十四

儒門事親卷之十五

戴人張子和著
新安吳勉學校

瘡瘍癰腫第一

治螻蛄瘡

良薑 白芨 瀝青 已上各等分

右為細末嚼芝蔴水同熬為膏入冷水共定用緋絹片火熨斗作膏藥貼瘡上

又方千年石灰 茜根燒灰

右為細末用水調雞翎塗上

水沉金絲膏 貼一切惡瘡

瀝青 白膠 已上各一兩 春秋宜用油

夏宜油臍二錢半 冬宜用油蠟四錢

右件鎔開油蠟下瀝青白膠用槐枝攪勻綿子瀝過入冷水中扯一千餘遍如瘡透了喫數丸作劑於瘡口填者亦妙攤紙上貼勿令火炙

乳香散 治下疳

乳香 沒藥 輕粉 黃丹 龍骨 烏魚骨

黃連 黃芩 銅碌 已上各等分 麝香許少

右為細末先以溫漿水洗過貼疳瘡上

治蛇傷方

右用蒲公英科根作泥貼于傷處用白麵膏藥貼之太効

紫金丹 治疔瘡

干金白礬四兩 黃丹二兩

右用銀石器內鎔礬作汁下丹使銀釵子攪之令紫色成也用文武火無令太過不及如有瘡先以週圍挑破上藥用唾津塗上數度着無令瘡乾其瘡潰動取疔出也兼瘡顏色紅赤為効如藥未成就再杵碎炒令紫色

治疔瘡

生蜜與隔年葱一處研成膏

右先將瘡週迴用竹鍼刺破然後用瘡藥於瘡上攤之用緋絹蓋覆如人行二十里覺疔出然後以熱醋湯洗之

千金托裏散 治一切發背疔瘡

- 連翹 乙兩
- 防風 一兩
- 官桂 乙兩
- 沒藥 三錢
- 黃耆 乙兩
- 桔梗 一兩
- 木香 三錢
- 甘草 乙兩
- 厚朴 二兩
- 白芷 乙兩
- 乳香 三錢
- 人參 半兩
- 川芎 乙兩
- 芍藥 乙兩
- 當歸 半兩

右為細末每服三錢用酒一椀盛煎三沸和滓溫服膏子貼之

二聖散 治諸瘡腫

- 黃丹 二兩
- 白礬 二兩

右為細末每服乾摻瘡口上後用保生錠子捏作餅子貼之

保生錠子

- 巴豆 四十九箇另研文武火燒熟
 - 輕粉 半匣
 - 硃砂 二錢
 - 麝香 二錢
 - 金脚信 二錢
 - 雄黃 三錢
- 右件為末用黃蠟一兩半化開藥將和成錠子冷

水浸少時取出旋捏作餅子如錢眼大將瘡頭撥破每用貼一餅子次用神聖膏藥封貼然後服托裏散若瘡氣透裏危者服破棺散用神聖膏貼之神聖膏藥 貼治一切惡瘡

當歸兩半

沒藥三錢

白芨二錢半

乳香三錢

藁本兩半

琥珀二錢半

黃丹四兩

木鱉子五箇 去皮

膽礬乙錢

粉霜乙錢

黃蠟兩

白膠三兩

巴豆二十五箇 去皮

槐柳枝一百二十條 各長二把

清油乙斤

右件一處先將槐柳枝下油內煮焦取出次後下其餘藥物煮得極焦亦撈出却將油澄清再熬成

膏子用緋絹上攤貼之

破棺丹

大黃乙兩半

甘草二兩

荆三稜乙兩半

山梔子

牽牛末二兩半

右為細末煉蜜為丸如彈子大每服半丸食後酒半盞研化服之忌冷水

三聖散 治臙瘡疔瘡搭手背疽等瘡

葱白一斤 馬莧一斤 石灰一斤

右三味濕搗為團陰乾為細末貼瘡如有死肉者宜先用潰死肉藥

潰死肉藥方

炊飯尖

半兩各三等

一等半兩入巴豆二箇

作白錠子 一等半兩入巴豆

一等半兩入巴豆五箇各

右先用二巴豆納瘡如不潰再用納三巴豆又不潰用五巴豆者更用丹砂炒紅色摻瘡口追出清水其惡肉未盡至追出赤水是惡肉盡更用三聖散貼之用膏藥傳之

治腫瘡久不愈者

用川烏頭黃蘗各等分爲末用唾津調塗紙上貼

之大有効矣

治一切惡瘡方

以天茄葉貼之或爲細末貼之亦妙

又方 用臘月人中白燒灰油調塗瘡疥上

又方 以瓦松不拘多少陰乾爲末先用槐枝葱白

湯洗之過摻之立効矣瘡久不斂者更妙

又方 以蒲公英搗之貼一切惡瘡諸刺

替鍼丸 治一切惡瘡

川烏 二錢

草烏 二錢

五靈脂 二錢

輕粉 一分

粉霜 一分

又方 加斑猫二十箇去足 巴豆二十箇去皮用

右將二件為末研令勻次入輕粉粉霜研勻又入斑猫巴豆以水調糊為錠子如作散是謂針頭散

懸婁散 治發背惡瘡

懸婁一箇 大黃兩 金銀花兩 當歸半兩

皂角刺兩

右剉碎用酒一椀煎至七分去滓溫服如有頭者

加黍粘子

治附骨癰及一切惡瘡

當歸兩 甘草兩 山梔子十箇 水驚子兩

右為細末每服三五錢冷酒調服之

治諸惡瘡

白僵蚕直者 大黃二味各等分

右為細末生薑自然汁與蜜同和為劑丸如彈子

大每服一丸細嚼

治惡瘡死肉 錠子

巴豆乙錢去皮油 五靈脂半兩 黃丹二錢

加枯白礬乙錢

右為細末以糊和丸錠子入瘡內用之

當歸活血散 治瘡瘍未發出內痛不可忍及婦人

產前後腹痛

當歸二錢

沒藥乙錢

乳香半錢

白芍藥三錢

瘡瘍者加人參木香婦人加赤芍藥

右為細末每服一錢水一中盞煎至七分和滓溫服日二服婦人酒煎瘡既發不須用

薰惡瘡方

紫花地丁一名米布袋收

右取根曬乾用四箇半頭博壘成爐子燒着地丁用絡埴埽一枚蓋了使冷埽眼內煙出薰惡瘡出黃水自愈

治地瘡

用蒲公英科根作泥貼于傷處用白膏藥封之接骨散 并治惡瘡

金頭蜈蚣乙

金色自然銅

半兩燒紅醋碎研為細末用之

乳香

二錢為細末用之

銅錢

重半兩者取三文或五文燒紅醋研碎細

金絲水蛭

乙錢半每箇作三截去氣道為度

沒藥三錢研細

右為細末如瘡腫處津調半錢塗立止痛如見得出膿先用粗藥末少許小油少半匙同打勻再入少半匙再打勻又入前藥接骨散半錢再都用銀釵子打成膏子用雞翎掃在瘡腫處立止痛天明

一宿自破便効如打折骨頭并損傷可用前項接
骨散半錢加馬兜零末半錢同好酒一大盞熱調
連滓溫服如骨折損立接定不疼如不折了喫了
藥立便止住疼痛此方屢經効驗不可具述服藥
覩可以食前服食後服又外用接骨藥

陳爛麻根

兩把羊耳
朵乙對

亂絲一握多者更妙

右取肥松節劈碎約量多少先放三兩根於新瓦
上都於上外三味在上燒着存性就研爲末如生
再燒研爲度後入五靈脂或半兩如疼入好乳香
少許和藥加茶褐色爲度用布條子約纏一遭先

攤小黃米粥勻上撒上藥末勻纏定折處上又用
軟帛三五重上又竹篦子纏勒得緊慢得中初三
日換上一次再後五日換一次又七日再換上
次無有不接者

赤龍散

消散一切腫毒

用野葡萄根紅者去粗皮爲末新水調塗腫上頻
掃新水

便癰方

本名血疔

牡礪

大黃

甘草

已上各半兩

懸萋

乙箇

右酒浸露一宿服之以利爲度

又方 各葵子為末酒調下三兩服

又方 皂角不蛀者燒過陰乾為末酒調服立効皂

角子七箇水調服之亦効

又方 胡桃七箇燒過陰乾研為末酒調服之不遍

三服大効

又方 生蜜米粉調服休喫穀利小便為度

治瘡無頭者

蛇退皮於腫處貼之

又方 皂角刺燒灰陰乾

右為末每服三錢酒調嚼葵菜子三五箇前藥送

下大効

生肌歛瘡藥

白歛 定粉 各等分

右同為細末洗淨瘡口乾貼之

治諸瘡水度腫者

生白礬末水調塗之自消

接骨藥

銅錢 半兩醋浸淬

木香 乙錢

自然銅 乙錢

射香 少許

右為極細末如在上食後每服三匙頭嚼丁香一

枚乳香一粒無灰酒一小盞在下食前如不折其藥反出服罷其痛不可當勿疑待一日如骨未接再服如前老者十餘日少者不過五七日
萬聖神應丹出箭頭

葇蓉科

一名天仙子取着中一科
根本枝葉花實全者佳

右於端午日前一日持不語尋見葇蓉科言道先生你却在這裏那道罷用柴灰自東南為頭圍了用木柶子搬取了根週迴土次日端午日未出時依前持不語用鑊口一鑊取出土用淨水洗了不令雞犬婦人見於淨室中以石臼搗為泥丸如彈

子大黃丹為衣以紙袋封了懸於高處陰乾如有入着箭不能出者用緋絹盛此藥訖放臍中用綿裹肚繫了先用象牙末於瘡口上貼之後用前藥如瘡口生合用刀子利開貼之

治凍瘡

臘月雀腦子燒灰研細小油調塗凍瘡口上

又方

以正黃蘄為細末用乳汁調塗瘡口上

又方

以山藥少許生於新瓦上磨為泥塗瘡口上

治手足裂

白芨不以多少為末水調塗裂處

治面上瘡

用鐵子底黑煤於小油中以匙打成膏子攤在紙上貼瘡神效

治金瘡血不止

用白薇末貼之立止

善應膏藥

黃丹_{二斤} 南乳香_{研另} 沒藥_{研另} 當歸

木鱉子_{生用} 白斂_{生用} 白礬_{生用} 官桂_{三寸}

杏仁_生 白芷_{已上各} 新柳枝_{各長一斤}

除黃丹乳沒等外八件用芝麻油五斤浸一宿

用鐵鍋內煎令黃色藥不用次入黃丹鍋內柳條攪令黃色方可撥下用柳枝攪出大煙入乳沒勻令冷傾在磁盆內候藥硬用刀子切作塊油紙裹接骨丹

五靈脂_{乙兩} 茴香_{乙錢}

右二味為細末另研乳香為細末於極痛處搽上用小黃米粥塗了後用二味藥末搽於上再用帛子裹了用木片子纏了少壯人二日効老者五六日見効矣
治癰如聖丸

黃蘗 黃芩 黃連 防風 已上各半兩

白疆蚕 乙兩 全蝎 三分 輕粉 半錢

右為細末羊蹄根汁浸蒸餅為丸如梧桐子大每服二三十丸嚼羊蹄根汁送下隨病人上下分食前後又羊蹄汁塗癰

治小兒癰雜瘡

白膠香 黃蘗 輕粉

右為細末羊骨髓調塗癰上

治癰癰方

班猫 去頭翅足 赤小豆 白疆蚕 苦丁香

白丁香 磨刀泥

右各等分為細末十歲已上服一錢二十已上服二錢五更用新汲水一盞調下比至辰時見効女人小便見赤白色三兩次男子於大便中見赤色白色為効當日服白粘粥不得喫別物大忌油膩患三四者只一服七八年者再一服

王餅子 治癰癰一切惡瘡軟癰

右用白膠一兩磁器內鎔開去滓再於磁開後以荳蔴子六十四箇作泥入膠內攪勻入小油半匙頭柱點水中試硬軟添減膠油如得所量瘡大小

以緋帛攤膏藥貼之一膏藥可治三五癰

又方治瘰癧

小龍肚腸一條

蟹殼裙襴炮

川練子五箇

牡礪

大黃

牛蒡子

燒存性

皂角子

五十箇

右為細末蒸餅為丸如棗豆大每服十五丸食後

艾湯下日三服

又方將臘月狗糞用新瓦兩箇合在內外用鹽泥固

濟燒成灰以小油調塗瘡口上

又方取小左盤龍不以多少為末陳米飯攪和得所

丸如梧桐子大每服三五丸却用陳米湯送下

冷字
疑當
作令

治眉煉頭瘡

小麥不以多少燒令黑色存性為末以小油調塗

瘡上

治小兒疔瘡

羊糞熬湯洗去痂用屋懸燥炒羅為末以小油塗

瘡上

聖靈丹 治打撲胸損痛不可忍者

乳香三錢 另研

烏梅

五箇去核細切焙乾為末

白蒿莖子

二兩

八錢炒黃

白米

一拾另研細末

右再入乳鉢內研數百下煉蜜為丸如粟大細嚼

熱湯下病在上食後在下食前

出醫方

右用蕎麥糝一擔不爛者燒灰存性入石灰半斤同灰一齊過令火滅然後以熱水霖灰窩淋下灰水用鐵器內煮以撩起攪成膏子於靨上點自出或先以草莖刺破亦可

又方桑柴灰石灰淋汁熬成膏草莖刺破點以新水沃之忌油膩等物

燒湯火方

多年廟上蚰與走獸為末小油調塗燒湯火瘡

又方生地黄汁入小油蠟同熬成膏磁器內盛用雞翎掃盪處

翎掃盪處

又方培上青苔燒灰小油調塗燒燙處

治燒燙方

又生地黄旋取新者爛搗取自然汁入小油黃蠟少許銀石器中熬成膏子用雞翎掃瘡上

又方血餘灰用臘猪脂調塗

又方寒水石燒過為細末水調塗之

枯癩方

砒

礪砂

黃丹

雄黃

粉霜

輕粉

已上各等一錢 班猫二十箇 生用 朱砂乙錢

乳香三錢 沒藥乙錢

同研為末粥糊為丸捏作菴子樣爆乾先炙破瘡頂三炷為則上以瘡藥餅蓋上用黃蘗末以水調貼之數日自然乾枯落下

又方以銅碌為末草刺破瘡摻在上以膏藥塗之

治頭面生瘤子用蛛絲勒瘤子根三二日自然退落乳香散 貼杖瘡腫痛

大黃 黃連 黃蘗 黃芩 已上各三錢

乳香另研已上各乙錢 沒藥另研已上各乙錢 腦子少許

右四味為末後入三味冷水調勻攤於緋絹上貼杖瘡上

治疔瘡

馬明退燒灰三錢 輕粉少許 乳香少許

右研為細末先以溫漿水洗淨乾摻之

治疔瘡久不愈者

海浮石燒紅醋淬數次 金銀花

右海石二停金銀花一停同為細末每服二錢半如籩茶一般日用二服瘡在上食後在下食前服如病下年服藥半年則愈

瀉肺湯 治肺癰喘急坐卧不安

桑白皮 剉燒

甜葶藶 隔紙焙各乙兩

右二味粗末每服三錢水一盞煎至六分去滓食後溫服以利為度

桔梗湯 治肺癰吐膿

桔梗

剉炒乙兩半

甘草 炙剉半兩

右為粗末每服六七錢水二盞煎至半盞去滓空心服須臾吐膿立愈

黃蘗散 治鵬窠微腰等瘡

黃蘗

白芨

白敏

已上各等分

黃丹

許少

右為細末涼水調塗

口齒咽喉第二

地龍散

治牙痛

地龍 去土

玄胡索

葶藶

已上各等分

右為細末每用一字用綿子裹隨左右痛於耳內塞之大効

牙宣藥

葶藶

胡椒

良薑

乳香

另研

麝香

細辛

青鹽

雄黃

已上各等分

右為細末先以溫漿水刷淨後用藥末於痛處擦

追出頑涎休吐了嗽數十次痛止忌油膩一二日
仙人散 刷牙

地骨皮 二兩酒浸二宿 青塩 乙兩 黍粘子 乙兩半炒

細辛 乙兩酒浸

右為細末入射香少許每用一字臨卧擦牙茶酒嗽良久吐出

又方 石膏 細辛 柳樵 已上各等分

右為末擦之

治牙疳

米二停 鹽一停 盆碱 射香 少許 白礬

右相合水拌勻紙包裹燒黑焦為末貼瘡上立愈
治牙痛

口齧水水一口用大黃末紙撚隨左右痛處鼻內任之立止

又方

韶粉 二錢 好朱砂 乙錢

右為末每用少許擦痛處

又方 好紅豆 二錢 花碱 少許

右為末隨牙痛處左右鼻內噓之

又方 華細辛 去苗 白茯苓 去皮 川升麻

又方 葦撥 青鹽 明石膏 川芎 不蛀皂角去皮

右為細末早晚刷牙溫水嗽之牙痛處更上少許

又方

以巴豆去皮用針刺於燈焰上炙令煙出薰牙痛處薰三五上

又方 高良薑一塊 全蝎一隻

右為細末先用酸漿水嗽牙次用藥末擦之流下涎水即愈

又方治牙疼 花 牙坑痛立止

又方 枯白礬執 之

治走馬咽痺

右用巴豆去皮以綿子微裹隨左右塞於鼻中立透如左右俱有者用二枚

又方

用生白礬研細塗於綿針上按於喉中立破綿針以榆條上用綿纏作棗大是也

又一法如左右喉痺於頂上分左右頭髮用手挽拔之剥然有聲立効此法年幼時常見鄭六嫂救人甚多不得其訣近與子正話及方得其傳

又一法以馬勃吹咽喉中立止

治喉痺

大黃 朴硝 白姜蚕

右件同為細末水煎量虛實用以利為度

口瘡方

白礬乙兩飛至半兩 黃丹乙兩炒紅色放下再炒紫色為度

右二味為細末摻瘡上立愈

目疾證第三

治倒睫拳毛

將川山甲以竹篦子刮去肉用羊腰窩脂去皮膜

仍將川山甲於炭上炙令黃色用脂擦去山甲上如此數遍令酥為末隨左右眼噙水鼻內噙一字一月餘見効

又方

木鱉子三箇乾炒 木賊乙百二十節 地龍二條去土

赤龍瓜乙百二十箇則勾刺針也

右為細末摘去倒睫每日以紙捲蘸藥噙之一日

三五次

又方

穿山甲炮 地龍去皮 蟬殼 五倍子已上等分

右為細末如用藥時先將奉毛摘盡後用藥一字
隨左右鼻內噴之次日目下如線樣微腫是驗也

貼赤眼
取青泥中蛆淘淨曬乾為末赤眼上乾貼之甚妙

貼赤睛
蘆甘石_兩 密陀僧_兩 黃連 朴硝

右方先將黃連用水熬成汁入童子小便再同熬
後下硝又熬少時用火煨爐甘石紅黃連汁內淬
七次與密陀僧末同為末臨即貼之

貼赤眼

銅碌 輕粉 牙硝 腦子_{少許} 麝香

右為細末乾貼之

截赤眼方

黃連 綠礬 杏子 甘草 銅碌 各等分

右為粗末水煎洗甚効

碧霞丹 治赤眼暴發并治赤睛

銅碌 白土 芒硝

右件各分為末丸如皂子大每用白湯研化一丸
洗之立効

汾州郭助教家神聖眼藥

視星膏

勻點大効

右用東流水三升先入麩仁次下餘味等白沙蜜一斤熬至二升以線絹細濾過澄清入前藥攪之

腦子射香已上并少用之

麩仁兩 金精石兩 銀精石兩 爐甘石兩

赤石脂兩 滑石兩 密陀僧兩 高良

薑兩 秦皮兩 黃丹兩 銅碌兩 硃砂

三錢 硼砂半錢 乳香三錢 盆硝少 青鹽

白沙蜜一斤 揀去蜜滓可 蜜陀僧 乙兩金色者研極細

水淘可得 新柳筭子 四兩去皮心

右用臘雪水五升與蜜鑿調入藥與柳筭子同貯於磁瓶中以柳木塞瓶口油絹封勒於黑豆鍋中熬使朝至暮仍用柳棒閣瓶防傾側用文武火另添一鍋豆水滾下旋於另鍋中取水添之熬成用重綿濾淨却入瓶中用井水浸三兩日埋在雪中更妙頻點為上

復明膏 治外障

白丁香 購月收者尤佳 揀黃連兩 防風 去

水飛秤八錢 新柳枝 方一寸

右好四味用新水一升半，雪水更妙。春秋雨三時，冬月一宿，以銀石器內熬至六分，瀝去滓，另用蜜一斤，密陀僧研極細末，三字入蜜攪勻，另熬以無漆匙，擦點下蜜中，多攪候沸湯定，一人攪蜜，一人旋又攪藥汁，都下在內攪勻，再熬三兩沸，色稍變，用新綿三兩重瀝去滓，盛器內點眼如常。本方每藥半合，用片腦一麥粒大，不用亦可。

錠子眼藥

黃丹乙兩 黃蘗半兩 黃連半兩 枯白礬半兩
飛 爐甘石半兩 銅碌半兩 硃砂三錢
兩 黃連製 兩 兩

川烏三錢 乾薑二錢 蝎稍乙錢 信半錢
乳香少許 沒藥少許

右為細末，入豆粉四兩，澆蜜和，就如大麥許，錠子於眼大，皆頭待藥化，淚出為効。

治冷淚目昏

密蒙花 甘菊花 杜蒺藜 石決明 木賊
白芍藥 甘草 各等分

右為細末，茶清調下，一錢服，半月後，加至二錢。
又方：乾薑肥者為末，每用一字，浸湯點洗。
又方：貝母一枚，膩白者胡椒七粒，為末點之。

單治目昏

荆芥穗 地骨皮 楮實 已上各等分

右為細末煉蜜為丸桐子大每服二十九米湯下

治一切目昏

川椒乙斤微炒搗取

甘菊花四兩

生地黄乙斤取新者

右將地黃泥與前藥末同和作餅子透風處陰乾再為末以蜜為丸如梧桐子大每服三十九食後

茶清送下

洗眼黃連散

當歸 赤芍藥 黃連 黃栢 各等分

右細剉以雪水或甜水濃煎汁熱洗能治一切風毒赤目

諸物入眼中

好墨清水研傾入眼中良久即出

點攀睛瘀肉

黃丹乙兩二錢水

白礬乙兩銀器

右將白礬於銀器內化成汁入黃丹末在內以銀匙兒攪勻更入乳香沒藥各一錢慢火不住手攪令枯乾為粉候冷研極細熟絹羅過後入鷹條一

錢半血竭二分射香少許輕粉三分粉霜二分共
研極勻如粉再以熟絹羅過細末點之大有神效
青金散

芒硝兩 螺青 沒藥 乳香 已上各少許
右為細末每用少許鼻內噴之

治雀目

真正蛤粉炒黃色為細末

右油蠟就熱和為丸如皂子納於猪腰子中麻纏
蒸熟食之可配米粥
頭面風疾第四

治黥點風刺方

苦參斤 紅芍藥 冬菰 二味各四兩

玄參兩

右為末每用一字用手洗面上

猪蹄膏洗面上點藥

右用猪蹄一副刮去黑皮切作細片用慢火熬如
膏粘用羅子濾過再入鍋內用蜜半盞又用

白芷 黑豆去皮 瓜蒌筒 白芨 白薇

荖香 藿香 各一兩 鵝梨二箇細切

右將七味藥為末同梨入藥一處再熬滴水不散

方成以絹漚過臨吐塗面次日用漿水洗面

治面風

益母草灰麴湯和燒七遍洗面用之

治面黥黑斑點方

白附子 白芨 白薇 蜜陀僧 胡粉

白茯苓 已上各等分

右為細末洗淨臨臥以乳汁調一錢塗面但洗光淨牛乳亦可

治頭風

苦丁香 川芎 藜蘆 各等分

右為細末噙水鼻內噴之

芎黃湯 治頭目眩運

大黃 荊芥穗 貫芎 防風 已上各等分

右為粗末大作劑料水煎去滓服之以利為度

耳聾方 革麻子五十箇去皮

右與熟棗一枚同搗丸如棗子大更入小兒乳汁

就和每用一丸綿裹納於聾耳內覺熱為度一日

一易如藥難丸日中曝乾

又方口噙甘草一枚耳中塞二塊用綿裹立通

腦宣方

佛門事類 卷之十五
皂角不蛀者去皮弦子蜜炙槌碎水中揉成濃汁熬成膏子鼻內噴之口中咬筋良久涎出為度

治耳底方

以枯白礬為末填於耳中立効

治鼻中肉螻蛄

赤龍爪 苦丁香 已上各三十箇

苦葫蘆子 不以多少 射香 少許

右為末用紙撚子點藥末用之

臍臭方

烏魚骨 三錢 枯白礬 三錢 蜜陀僧 乙錢

右為末先用漿水洗臭處後用藥末擦之

又方蜜陀僧不以多少研細先以漿水洗臭處乾擦

烏頭藥

細針沙 炒 蕎麵 炒 已上各一盞

大麥 亦同 釀醋半升與前二味打糊

凡用先使皂角水熱洗淨時前二味糊稀稠得所

於髭鬚上塗之均勻先用荷葉包次用皮帽裹之

三五時辰用溫漿水洗了却收取元針沙其髭髮

淨後用黑藥塗之黑藥方

沒食子 石榴皮 乾荷葉 另搗 已上各一兩

五倍子 柯子皮 百藥煎 金絲礬

礬礬 另研旋點諸藥

右將七味為細末炒熟麵五六匙入好醋打麵糊和藥末再塗髮鬚又用荷葉封裹後用皮帽裹之三五時間洗淨甚黑若更要黑光用猪膽漿水澤洗如鴉翎

又方 酸石榴 五倍子 芝蔴葉

右同杵碎用絹袋盛之於鉄器內水浸掠髮自黑治大頭病兼治喉痺方歌曰
人間治疫有仙方 一兩疆蚕二大黃

薑汁為丸如彈大 井花調蜜便清涼
又法 以砭針刺腫處出血立効
治時氣

馬牙硝 寒水石 黍粘子 鬼臼 川大黃

鬼箭草 已上各等分 腦子 少許

右六味為細末用新井花水一盞藥末一二錢入腦子喫外一半留用新水得稠雞翎掃在腫處有風涼處坐

解利傷寒第五

雙解丸

巴豆

六箇去皮油

天麻

二錢半 胭脂 少許

右將巴豆天麻為末滴水丸如秫米大胭脂為衣一日一九二日二九三日三九已外不解先喫冷水一口後用熱水下如人行十里以熱湯投之

又一法無藥處可用兩手指相交緊扣腦後風府穴向前禮百餘拜汗出自解

又一法適於無藥處初覺傷寒傷食傷酒傷風便服太和湯百沸湯是避風處先飲半椀或以薑汁亦妙以手揉肚覺恍惚更服半椀又用手揉至恍惚更服以至厭飢心無所容探吐汗出則已

不卧散

川芎

乙兩半

石膏

七錢半

藜蘆

半兩去土

甘草

二錢半生

右為細末口噙水鼻內各噴之少時喫白湯半椀汗出解之

川芎湯 解利一切傷寒

川芎

藁本

蒼朮

右三件為細末沸湯點三錢須臾覺嘔道便解如不解再服之

諸腰脚疼痛第六

皂角膏

右用醇酒二大椀皂角一斤去皮弦搗碎熬至一半沸去滓再用前汁入銀石器熬為膏子隨痛處貼之

治腰脚疼痛方

天麻 細辛 半夏 已上各二兩

右用絹袋二箇各盛藥二兩者熟交牙慰痛處汗出則愈

牛黃白朮丸 治腰脚濕

黑牽牛 大黃 各二兩 白朮 乙兩

牙疑當
作互

右為細末滴水丸桐子大每服三十丸食前生薑湯下如要快利加至百丸

婦人病證第七

如聖丹 治婦人赤白帶下月經不來

枯白礬 蛇床子 已上各等分

右為末醋打麵糊丸如彈子大以胭脂為衣綿子裹納於陰戶如熱極再換

洗洗丸 療婦人無子

當歸 熟地黃 已上各二兩 玄胡索 澤蘭 已上各一兩半 川芎 赤芍藥

白薇 人參 石斛 牡丹皮 已上各一兩

右為末醋糊為丸每服五十九桐子大空心酒下

當歸散 治月經欲來前後腹中痛

當歸以米醋微炒 玄胡索生用 沒藥研 紅花生用

右為末温酒調下二錢服之

治產婦橫生 草麻子三十箇

研爛婦人頂上剃去髮少許以上藥塗之須臾覺

腹中提正便刮去藥却於脚心塗之自然順生也

治血崩 蚕沙不以多少

右為末每服三五錢熱酒調下服

又方 管仲去須剉碎

或用酒醋煎三錢煎至七分去滓温服一服立止

當歸散 治血崩

當歸乙兩 龍骨乙兩 燒赤 香附子 三錢炒

櫻毛灰 半兩

右為細末空心米飲調下三四錢忌油膩雞猪魚

兔等物

蓮殼散

乾蓮蓬燒灰 存性 櫻櫚皮及毛各燒灰已上各半兩

香附子二錢 炒

右為細末每服三四錢空心米飲湯調下服之

治婦人血枯 川大黃

右為末醋熬成膏就成雞子大作餅子酒磨化之

三分散 治產後虛勞不進飲食或大崩後

白朮 茯苓 黃耆 川芎 芍藥 當歸

熟乾地黄 已上各一兩 柴胡 人參

已上各一兩六錢 黃芩 半夏洗切 甘草炙

已上各六錢

右為粗末每服一兩水一大盞煎至半盞去滓溫服日二服

治產後惡物上潮痞結大小便不通

芒硝 蒲黃 細墨 各等分

右為末用童子小便半盞水半盞調下服之

治婦人產後虛弱和血通經

當歸焙 芍藥二兩 香附子三兩炒

右為細末每服一二錢米飲調下服之無時

治婦人產後惡物不出上攻心痛

赤伏龍肝 竈底焦土研細

用酒調三五錢瀉出惡物立止

治娠婦下痢膿血及咳嗽

白木 黃芩 當歸 各等分

右為末每服三五錢水煎去滓食前加桑皮止嗽
百花散 治婦人產中效嗽

黃蘗 桑白皮用蜜塗慢火炙黃色為度 二味各等分

右為細末每服一二錢水一盞入糯米二十粒同煎至六分以款冬花燒灰六錢攪在藥內同調溫服之

治婦人吹妳

以穉皮燒灰存性熱酒調下三錢食後服之

又方 馬明退燒灰五錢 輕粉三錢 射香少許

右為細末每服二錢熱酒調下服之

又方 以皂角燒灰蛤粉和熱酒將來調數字下得喉嚨笑呵呵

又方 以淘米木杓上砂子七箇酒下以吹簫枝透乳孔甚妙

效嗽痰涎第八

九仙散

九尖草麻子葉三錢 飛過白礬二錢

右用猪肉四兩薄批基盤利開摻藥二味荷葉裹文武火煨熟細嚼白湯送下後用乾食壓之

止嗽散

半夏乙兩半湯洗七次

枯白礬四兩

右二味為末生薑打麵糊和丸桐子大每服三三十九丸空心溫酒送下

八仙散

款冬花 佛耳草 甘草 鍾乳 鵝管石

白礬 官桂 井泉石 已上各等分

右為細末每服三錢水煎服之又一方摻咽喉中

三才丸 治嗽

人參 天門冬去心 熟乾地黄 已上各等分

右為細末煉蜜為丸如櫻桃大含化服之
三分茶

茶二錢 蜜二兩 蕎麥麵四兩

右以新水一大椀約打干餘數連飲之飲畢良久下氣不可停入喘自止

石膏湯 治熱嗽

石膏亂文者一兩 人參半兩去蘆 甘草半兩炙

右為末每服三錢新水或生薑汁蜜調下亦可

三生丸 治嗽

胡桃仁乙兩 生薑乙兩去皮細切 杏仁乙兩

需明書規

卷之十五

三

右二味同研為泥就和作劑可得十三四丸臨臥
爛嚼一丸可數服即止

化痰延壽丹

天麻 半兩

枸杞子 二兩

白礬 乙兩半半生

半夏

乙兩半湯洗七次用

乾生薑 乙兩

人參 乙兩

右為細末好糯酒拌勻如砂糖用蒸餅劑蒸熟去
皮杵臼搗四五十杵便丸如乾入酒三點丸如小
豆大每服三五丸生薑湯下

半夏湯

治噦欲死者

半夏 乙兩洗

生薑 二兩

右二味細切水二盞煎至八分去滓作二服食後

治肺痿喘嗽

漢防已

右為細末每服三錢漿水一盞同煎至七分和滓

溫服之

治年高上氣喘促睡卧難禁

右蘿蔔子搗羅為末白湯浸調五七錢食後服之
或炒或用糖蜜作劑為丸服之

麻黃湯

治因風寒衣服單薄致嗽

麻黃

不去節

甘草 生用

杏仁 生用

右為粗末每服三二錢水煎食後溫服

心氣疼痛第九

失笑散

治急心痛并男子小腸氣

五靈脂

半兩

蒲黃

半兩炒

右為末每服三錢醋半盞煎二沸再入水半盞再煎二沸空心食前和滓溫服之

又方

醋一盞加生白朮一小塊如皂子大同煎至七分溫服立愈

又方

高良薑

半兩

山梔子

半兩

蔚金

半兩

又方

以新嫩槐枝一握切去兩頭水二盞煎至一盞去滓分作二服熱服之

蓋去滓分作二服熱服之

又方

沒藥

乳香

薑黃

玄胡索

以上各等分

右為末每服三錢水煎食後服之

小腸疝氣第十

抽刀散

川練子

乙兩破四分巴豆三箇同炒黃色去巴

茴香

乙兩鹽炒黃色去鹽用之

右為細末每服三錢葱白酒調下空心服之

治陰痛不可忍

吳茱萸

二兩洗七遍焙乾微炒

檳榔

乙兩

右為細末醋糊為丸熱酒送下十九食前服之

治偏腫 茴香

甘遂

右二味各等分爲末酒調二錢食前服之

又方 巴戟去心

川練炒

茴香炒

各等分爲末温酒調二錢服之

治小兒疝氣腫硬

地龍不去土

爲末唾津調塗病處

治小腸氣痛

全蝎乙兩

茴香乙兩炒黃

右爲細末醋糊和丸如梧桐子大如發時每服五
七丸温酒送下食前服之

治小便渾濁如精之狀

沒藥

木香

當歸

已上各等分

右爲末以刺棘心自然汁爲丸如梧桐子大每服

五七丸食前盐湯下

治小便頻滑數不禁

知母

黄蘗

已上各等分

右剉碎酒浸透炒微黃爲末水丸梧桐子大如服

藥前一日休喫夜飯來日空心立服米飲湯下

百丸只用一服效後喫淡白粥一頓

蕩疝丹

川練子炒 茴香炒 破故紙炒已上各半兩

黑牽牛二錢 青皮 陳皮已上各三錢

廣茂四錢 木香四錢

右八味為細末用上好酒打麵糊為丸如梧桐子大
空心食前溫酒下三十丸

灸痢法 放疝邊豎紋左右交弦灸七壯

腸風下血第十一

神應散 治腸風痔漏

牛頭角乙隻酌中者 猪牙皂角七 穿山甲十四

九片或圓取或四左取或一字取之 蝟皮乙兩 蛇退皮乙條

右五味鎚碎盛在小口磁器內鹽泥固定日中曝
乾瓶口微露出烟用文武火燒紅赤烟微少取出
放冷為細末如服藥日先一日臨臥細嚼胡桃仁
半箇如糊用溫醇糯酒一盞送下不語便睡至次
日交五更服藥驗病年月遠近或秤三錢五七錢
用水半大碗醇糯酒半大盞相合熱和藥服之至
辰時再服
又一服再依前服藥不須用胡桃仁久病不過七服
忌油膩魚蟹雞兔猪犬等物大有神効
溫白丸 治臟毒下血

椿根白皮

凡引者去粗皮酒浸晒乾服

右為末棗肉為丸如梧桐子大每服三五十九淡

酒送或酒糊丸

治脫肛痔瘻

胡荽子升一

乳香許少

粟糠半升或一升

右先泥成爐子止留一小眼可抵肛門大小不冷

透煙火薰之

治脫肛

蔓陀羅花子

蓮殼對一

椽椀十

右搗碎水煎三五沸入朴硝熱洗其肛自止

治痔漏下血不止

紫皮蒜十箇獨

種者妙

大椒

六十箇

豆豉

四兩

右搗爛為泥丸彈子大空心細嚼一丸盪湯下日

進三服効

治痔漏

白牽牛頭末

四兩

沒藥

一錢

右同為細末如欲服藥先一日不食晚飯明日空心將豬精肉四兩燒令香熟薄批摻藥末在內裹之漸又細嚼食盡然後用宿蒸餅壓之取下膿血為効量病大小虛實加減服之忌油膩濕麵酒

色三日外不息一服必効或用淡水煮肉熟用上法亦可又云服前一日不食午飯并夜飯明日空心用之

又方 黑白牽牛一合炒黃為末猪肉四兩切碎炒熟與藥末攪勻只作一服用新白米飯三二匙壓之取下白虫為効

又坐藥黑鯉魚鱗二三甲以薄綿繭裹如棗桂樣納之痛即止

淨固丸 治痔漏下血疼痛
槐花炒 枳殼去穢 已上各一兩

右為細末醋糊為丸如梧桐子大每服二十九米飲湯下空心食前十服見効

黃連貫衆散 治腸風下血

黃連 雞冠花 貫衆 大黃 烏梅已上各
甘草三錢 枳殼炮 荆芥已上各乙兩

右為細末每服二三錢温米飲調服食前

槐荆丸 治痔漏

荆芥槐花等分為末水煎一大椀服丸亦可為之
又方 豆豉炒 槐子炒 各等分

右為末每服一兩水煎空心下

薰漂藥 鳳眼草 赤皮葱 椒

又三味搗粗同漿水滾過坐盆令熱氣薰透但通手
漂之如此不過三次愈矣

小兒病證第十二

治小兒脾疳 蘆薈 史君子 已上各等分

右為細末米飲調下一二錢服之

玉筋散 治小兒馬脾風

甘草 一寸煎水 甘遂末 一字

右同油蜜生薑銀釵兒攪調下後用冷水半盞調
奪命散

奪命散 治小兒胸膈喘滿

檳榔 大黃 黑牽牛 白牽牛 各等分皆

當各半生熟用之

右為細末蜜水調服之

治小兒斑瘡入眼

麩炒蒺藜炙甘草 羌活防風等分搗

每服二錢漿水下 撥雲見日直到老

治瘡疹黑陷

鐵腳威靈仙 一錢炒末 腦子 一分

右為末用溫水調下服之取下瘡痂為効

治小兒黃瘦腹脹 乾雞糞 一兩 丁香末 一錢

右為末蒸餅為丸如小豆大每服二十九米湯下

黃連散 治小兒頭瘡 川黃連 黃蘗 去粗皮用 草決明 輕粉 上等各

右為細末用生小油調藥於瘡上塗之立愈

治斑瘡倒壓方

胡桃 一箇燒灰存性 乾胭脂 三錢

右為末用胡荽煎酒調下一錢服之

又方 人牙燒灰存性研入射香少許每服三錢溫酒調下少許服之不拘時

又方 小豬尾尾尖取血三五點研入腦子少許新

水調下食後與服之

又方 人中白臘月者最佳通風處以火煨成煤木

調三五錢陷者自出

消毒散 治瘡疹已未出咽喉腫痛

牛蒡子 二兩 甘草 半兩剉炒 荆芥 乙分

石為粗末每服三錢水一盞半煎至七分去滓溫

服不拘時

治小兒癰瘡入眼

猪懸蹄甲 二兩甘鍋內益泥 蠟殼 二兩去土

羚羊角研為細末

右二味為末研入羚羊角細末一分拌勻每用一字百日外兒服半錢三歲已上服三錢新水或溫水調下日三四服夜一二服一年已外則難治之

又方 透耳藥

朱砂乙錢

粉霜八分

右研為細末水調少許用匙杓頭傾一二兩點於耳內中後用

白菊花 菘豆皮

穀精草

夜明沙

右四味為末用米泔半枕熬成去滓入乾柿十餘

箇再同熬每白喫二三兩箇仍飲煮乾柿湯

又方 治小兒斑瘡入眼

朱砂 腦子 水銀 射香 已上各等分

右四味研為細末用水銀調適入耳中

發疔藥 珠子七箇研碎用新水調勻服之

破傷風邪第十三 陰毒傷寒亦附於此

辰砂奪命丹

鳳凰臺 川烏頭生已上各二錢 射香少許 朱砂少許

右為細末棗肉和為丸如彈子大朱砂為衣鯁酒送下量病人甲虛實加減用之小兒半丸以吐

爲度不止以葱白湯解之

治破傷風

病人耳塞并爪甲上刮末唾津調塗瘡口上立効
無瘡口者難用

治破傷風

烏梢尾 乙箇

兩頭尖 四箇

全蝎 四箇

右三味爲細末另用石灰五升柴灰五升沸湯五
升淋灰水澄清下藥熬之鐵鍋器內攪成膏子如
稠用唾津調先用溫漿水洗淨瘡口後塗藥即時
藥行吐黃水一日以新水漱口即愈

又方

天南星

半生半熟

防風

去蘆二味各等分

右爲末清油調塗瘡上追去黃水爲驗

又方

白芷

生用

草烏頭尖

生用去皮二味等分

右爲末每用半錢冷酒一盞入葱白少許同煎服
之如人行十里以葱白熱粥投之汗出立愈甚者
不過二服

又方蜈蚣散

蜈蚣頭

烏頭尖

附子底

蝎稍

四味各等分

右爲細末每用一字或半字熱酒調下如禁了牙
關用此藥幹開灌之

治陰毒傷寒破傷風

草烏頭七箇文武火燒熟去牙頭 麝香半錢 朱砂乙錢

右為細末每服一字以熱酒調下食前服之汗出為度忌猪兔魚蟹粘穀肉

治陰毒病者

用芥末以新水調膏藥貼臍上汗出為効

又方牡礪乾薑末新水調塗手心握外腎汗出為効

諸風疾證第十四

不老丹 治一切諸風常服烏髭注顏明目延年

蒼木四斤米泔水浸軟竹刀子刮去皮切作片子內乙斤用椒三兩去白炒黃去椒

乙斤盪三兩炒黃去鹽乙斤好醋一升煮泣盡

何首烏二斤米泔水浸軟竹刀子刮去皮切作片子用瓦甑蒸先鋪黑豆三升乾

棗二升上放何首烏上更鋪棗二升黑豆三升用炊單復著上用盆合定候豆棗香熟取出不用棗

地骨皮去粗皮重二斤

右件於石臼內搗為細末後有糖汁搜和如軟麵劑相似磁盆內按平上更用糖汁藥上高三指用紗綿帛覆覆之晝取太陽夜取太陰使乾再搗羅為細末煉蜜和丸如梧桐子大空心溫酒下六十丸忌五辛之物

四仙丹

春甲乙採杞葉

夏丙丁採花

秋庚辛採子

冬壬癸採根皮

右為末以桑椹汁為丸每服五十丸茶清酒任下
起死神應丹 治癱瘓四肢不舉風痺等症

麻黃 去根節河水五升熬 白芷 二兩 桑白皮

二兩 蒼朮 去皮 甘松 二兩 川芎 三兩

苦參 三兩 加浮萍 二兩

已上各為細末用膏子和丸如彈子大每服一丸
溫酒一盞化下臨卧服之微汗出勿慮如未安隔
三二日再服手足即時軟快及治卒中風邪涎潮

愈風丹 不利小兒驚風服之立効

芍藥 川芎 白僵蚕 炒 桔梗 細辛 去葉

羌活 已上各半兩 麻黃 去節 防風 去蘆

白芷 天麻 全蝎 炙已上 甘草 二錢

南星 半兩生薑製用 朱砂 半兩

為末煉蜜丸如彈子大每服一丸細嚼茶酒吞下

香芎散 治偏正頭風

貫芎 香附子 炒 石膏 亂紋者 白芷

甘草 薄荷 已上各 一方川烏頭 半兩炮去

備用書

亂當作

右為細末每服二錢温酒或茶清調下服之
妙功十一丸 治癩

丁香 木香 沉香 乳香 射香 荆三稜

炮 廣茂 炮 黑牽牛 微炒 黃連 雷丸 炒

鶴風 炒 胡黃連 黃芩 大黃 焙 陳皮

青皮 雄黃 熊膽 甘草 炙各二 赤小豆

三百六 白丁香 直火者三 輕粉 四 巴豆 七粒

右二十三味為細末赤小豆爛煮研泥同蕎麥打
糊和作十一丸朱砂為衣陰乾服時水浸一宿化
一丸大便出隨病各有形狀取出為驗或作化一

如丸疑當
作丸如

番不可再服曾經火炙者不治遠年愈効
朱砂滾涎散 治五癩

朱砂 飛 白礬 生 赤石脂 消石 已上各等

右同為細末研蒜膏如丸菴豆大每服三十九食
後荆芥湯下

又方 朱砂不以多少水飛研為細末

右用猪心血浸蒸餅為丸如菴豆大每服三十九
空心金銀湯下之

治諸風疥癬及癩

浮萍 乙兩 荆芥 川芎 甘草 麻黃 已上各半

或加芍藥 當歸

右為粗末每服一兩水一椀入葱白根豆豉同煎至一半無時服汗出為度

治癩參眉法

半夏生用 羊糞燒 以上各等分

右為末生薑自然汁調塗

五九散 治癩

地龍去土 蟬殼 白僵蚕 凌霄 全蝎

以上各等九箇

右同為末只作一服熱酒調下浴室中汗出粘臭

氣為効

苦參散 治癩風

苦參取頭末 秤二兩 猪肚乙箇

右以苦參末摻猪肚內用線縫合隔宿煮軟取出洗去元藥先不喫飯五頓至第二日先飲新水一盞後將猪肚食之如吐了再食之食罷待一二時用肉湯調無憂散五七錢取出小虫一二萬為効後用皂角一斤不蛀者去皮弦及子搥碎用水四椀煮至一椀用生絹瀝去滓再入苦參末攪熟稀麵糊膏子相似取出放冷後入餘藥相和藥附後

何首烏 二兩

防風 乙兩

芍藥 五錢

人參 三錢

當歸 乙兩 焙

右為細末入皂角膏子為丸如桐子大每服三五
十丸温酒或茶清送下不拘時候日進三服後用
苦參荆芥麻黃煎湯洗冷

水腫黃疸第十五

治通身黃腫

芪蒂焙乾三四錢

右為細末每用半字於鼻內吹止日二度併吹三
日如不愈後用黃芩末之前湯五錢下

治蠱氣

取環腸草不以多少曝乾水煎利小便為度

治黃疸面目遍身如金色

瓜蒂 乙十 四箇

母丁香 乙箇

黍米 四十九粒

右先搗瓜蒂為末次入二味同為細末每用半字
夜卧令病人先嚙水一丁口兩鼻內各半字吐了水
令病人便睡至夜或明日取下黃水旋用熟帛搵
了直候取冰定便服黃連散病輕者五日重半月

黃連散

治黃疸大小便秘澀壅熱

黃連 兩

川大黃 乙兩 剉碎醋

拌炒過用之

黃芩

甘草

各一兩

右為細末每服二錢食後溫水調下一日三服

治水腫不利小便非其法也故內經云濕氣在上以苦吐之濕氣在下以苦瀉之吐瀉後長服益元散加海金沙煎以長流水服之則愈矣大忌腳膝上針刺出水取一時之効後必死矣尤忌房室濕麵酒醋鹽味犯之必死

木通散 治水腫

海金沙 舶上茴香 巴戟 大戟 甘遂 芫花 木通 滑石 通草 已上各等分

右為細末每服三錢以大麥麵和作餅子如當錢大爛嚼生薑湯送下

下痢泄瀉第十六

治痢

紫苑 桔梗 赤芍藥 白朮 已上各等分
右為細末每服三五錢細切羊肝拌之作麵角兒燒服之後用白湯送下食前

治痢

杜蒺藜炒碾為末酒調下三兩服

香豉丸 治痢

蒜為泥

豉為末

右二味相和作丸如梧桐子大米飲湯下五七十丸食前服之

治大人小兒吐瀉腹脹胸膈痞閉

五靈脂

青皮

陳皮

硫黃

芒硝

已上各等分

右將硝黃於銚子內以文武火鎔開用匙刮聚自然結成砂子取出研碎與前三藥同朱麵糊為丸如菉豆大小兒麻子黃米大每服二十九丸量虛實加減米飲湯送下無時

又方治瀉車前子不以多少右為細末每服二錢

米飲湯調下服之水穀分吐瀉止

諸雜方藥第十七

治消渴

揀黃連

二兩八九節者良

右剉如咬咀以水一椀煎至半椀去滓頓服立止

百日還丹

佛茄子

樟柳根

已上各等分

為末枸杞汁和丸如雞頭大每服十九丸新水送下

酒癥丸

巴豆十六箇

全蝎十五箇

雄黃乙塊

白麵五兩

右為末滴水丸如椀豆大每一丸如痛飲者二丸

立應丸 治臟腑泄痢膿血不止腹中疼痛

乾薑

乙兩炮

百草霜

乙兩

巴豆

連皮乙兩炒用

杏仁

乙兩同巴豆和皮炒黑色并為泥後入霜研用

右用黃臘四兩鑊開臘次入前四味用鉄器攪勻

旋丸桐子大每服三五丸甘草湯下白痢用乾姜

湯下食前若水瀉溫水下

反胃 黃蘗末熱酒調三五錢食後服之

治小便多 滑數不禁

金剛骨為末以好酒調下三錢服之

又方

白茯苓

去黑皮

乾山藥

去皮白礬水內湛過慢火焙乾用之

右二味各等分為細末稀米飲調下服之

治卒淋痛

芫花散 三錢

茴香 二錢微炒黃色

右為細末水煎服之

治研方

以水調白麵稀稠得所糊研上以紙封之明日便

乾如不曾破者剥去麵便行

治大便秘

生麻子不以多少研爛水調服之

坐劑治大便秘攻之不透者用之

又用蜜不計多少慢火熬令作劑稀則粘手硬則脆稀稠得所堪作劑搓作劑樣如棗核大粗如筋長一寸許蘸小油內于肛門中坐良久自透有加鹽少許以素問鹹以軟之

交加飲子 治久瘡不巳山嵐瘴氣

肉苳蔻

十一箇麩裹燒一箇

草苳蔻

二箇同上法用

厚朴

一半生用一半熟用生薑汁製過用

甘草

二寸半一

半生用

生薑

二塊如棗紙裹煨過半生半熟

右為末每服分一半水一碗銀石器內煎至一大盞去滓溫服發日空心未愈則再服

大真丸 補虛損

佛袈裟男用女用男以新水四擔洗盡血水以酒煮爛為泥

葳靈仙

兩乙

當歸

兩半

硝砂

兩乙

蓮子肉

炒熟兩

乾地黄

兩乙酒浸

廣茂

兩半

甘草

兩乙

牡丹皮

兩乙

牛膝

兩乙酒浸

木香

兩半

白朮

兩乙

白茯苓

兩乙

右為細末與君主同搗羅為細末酒浸蒸餅為丸如梧桐子大每服三五十九三進日服

取雕青

水蛭取陰乾為末先以白馬汗擦青處後用白馬

汗調藥塗之

治蚰蜒入耳中

右用猫尿灌耳中，立出。取猫尿，用盆盛，猫以生薑擦牙，大妙。

又方：黑驢乳灌耳中，亦出。

又方：以湿生虫研爛，塗於耳邊，自出。

辟穀絕食第十八

辟穀方

大豆五升

洗淨蒸三遍，去皮為細末。

大麻子五升

湯浸一宿，蒸三遍，令口開，淘淨同白茯苓，去皮為細末，用。

糯米五升

淘淨同白茯苓，去皮為細末，用。

白茯苓五兩

去皮同上糯米，一處蒸熟為用。

右將麻仁末二處搗爛，如泥，漸入豆黃末，同和勻，便團如拳，大再入甑蒸。從初更著火，至半後夜住，火至寅時出甑。午時曝乾，搗為末，服之以飽為度，不得喫一切物。用麻子汁下。第一頓一月不饑，第二頓四十日不饑，第三頓一千日不饑，第四頓永不饑。顏保日增，氣力加倍。如渴飲麻仁汁，轉更不渴。滋潤五臟，若待喫食，時分用葵菜子三合為末煎湯，放冷服之。取其藥，如後初間喫三五白米稀粥，湯少少喫之。三日後，諸般食飲無避忌。此藥大

忌欲事

又方 茯苓餅子

白茯苓四兩為末

頭白麵一二兩

右同調水煎餅麵稀調以黃臘代油燂成煎餅腦
可用三兩飽食一頓便絕食至三日覺難受三日
後氣力漸生熟菓芝蔴湯米飲凉水微用此小潤
腸胃無令涸竭開食時用葵菜湯并米飲稀粥少
少服之

又方 保命丹

人參五兩

麻子仁二兩炒去皮

乾地黄

瓜蒌子

炒

兔絲子

酒浸已上各二兩

生地黄

乾大棗

各三兩

兩

大豆黃

一升煮去沫

黑附子

乙兩生用乙兩炮去皮用之

白茯苓

去皮

扶神

地骨皮

去粗皮

蔓精子

煮熟用

杏仁

去皮尖炒

麥門冬

炒去心用

地膚子

蒸七遍

黍米作粉

粳米作粉

白糯米作粉

天門

冬去心

車前子

蒸

側柏葉

煮三遍已上各二兩五錢

右同為細末各揀選精粹者臍月內合者妙他時
不可合日月交蝕不可合如合時須揀好日淨室
焚香志心修合勿令雞犬婦人見又將藥末用臍
一斤半漚去滓白蜜一斤共二斤半一處溶開和

儒門事親 卷之十五
勻入臼杵二千下微入酥油丸如梧桐子大每服
丸服至五日如來日服藥隔宿先喫糯米一頓
粳米白麵皆可次日空心用糯米粥飲送下如路
行人服遇如好食喫不妨要止便止如喫些小蒸
餅爛嚼嚙或乾果子以助藥力不喫更妙忌鹽醋
日後退下藥來於長流水中洗淨再服可百年不
饑矣

儒門事親卷之十五終



武藏國埼玉郡
埼玉縣第十五區
幸條村水越
松中堂 田口貞慎

